



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1620 usque ad annum 1623

Fleury, Claude

August. Vind. [u.a.], 1777

VD18 90118855

§. 58. Franckenthalium a Mansfeldio absidione liberatum.

[urn:nbn:de:hbz:466:1-67344](https://nbn-resolving.org/urn:nbn:de:hbz:466:1-67344)

fuerit dolose fugiendo, quam fuisset nociturus strenue pugnando. Sæc. XVII.
A. C. 1621.

§. LVIII.

Franckenthalium a Mansfeldio obsidione liberatum.

Mansfeldius interea Britannicas Verri Angli, & Palatinas Obertrautii legiones, ceterasque in præsidium Palatinatus inferioris relictas copias sibi adjunxit, ac trajecto apud Manheimium Rheno Franckenthalium obsidione liberare constituit: Erat illud validum Inferioris Palatinatus propugnaculum, quod Gonsalvus Corduba, qui Spinola in Belgium reverso Hispanis copiis præerat, jam integro Mense tam arcte cinxerat, ut proximam potiundæ urbis spem haberet: tum vero Mansfeldius ab obsessis pacta pecuniarum mercede evocatus, inopinato cum toto exercitu advolat, cui Corduba cum numero ac viribus impar esset, noctu obsidionem solvit, ac relictis ægrotis faucisque quamplurimis WORMATIAM versus digressus est. Mansfeldius vero in Spirensis Episcopi ditionem movit, & concessa militibus suis prædandi impunitate ipsemet omnia cis Rhenum oppida, præcipue vero Brugsalensem civitatem gravissimis exactionibus exhaust,

Brachel. Hist. l. I. Merc. t. 9. lib. 2. Annal. Boic. l. 6.

Bellus laur. l. 6. 6. part. 614. Merc. t. 14. pag. 98. Barre hist. d' Allem. t. 9. p. 519.

M 5

hausit,

Sæc. XVII. A. C. 1621. INSTRUMENTUM
 haufit, trans Rhenum quoque Didesheimium, Kirchweilam, & Lauterburgum, cunctaque hujus Regionis loca rapinis & incendiis infesta reddidit, ut ex prædis, extortisque subditorum pecuniis stipendia militaria suis copiis numerare posset. Relicto demum Palatinatu in Alsatiam prædabundus excurrit, ac præprimis Muro-Monasteriensem urbem & Abbatiam prædivitem adhibita vi occupavit, desideratis suorum trecentis: postea circumvicinos pagos & oppida incendiis & rapinis devastans, a Catholicis & Judæis Hagenoensibus plusquam centena Imperialium millia extorsit, quod quidem pretio cives vexationem ulteriorem se Germana fide mercatos fuisse sperabant, suo tamen damno edocti fuere, quod juxta Catholicorum dogma data hæreticis fides sit servanda, raro tamen ab hæreticis data servetur; quippe Mansfeldius publicam fidem frangere assuetus, nondum evolutis quatuordecim diebus, intra quos ab armis se cessaturum promiserat, urbem hostiliter invasit, captamque suo milite in cives denuo grassante firmavit: Eodem quoque dolo Tabernæ civitatis, quæ Argentinensis Episcopi imperio paret, deditionem petitis centum mille Philippicis extorquere tentabat: verum

Sæc. XVII.
Sæc. 1621.

rum obfessi alieno periculo cauti, cum interim duo armatorum millia in opem immiffa fuiffent, Mansfeldio responderi curarunt, quod pro hac pecunia globos & nitratum pulverem coemiffent, cujus fi odorem percipere vellet, obfidionem urgeret. Hoc sarcasmo exasperatus Mansfeldius, expugnatione desperata, bellum atrox miserorum rusticorum fortunis, eorum armentis, & agris intulit, undè coloni, desertis fuis ædibus reque omni domestica, per devia & invia palantes, hyemis rigore magno numero perierunt, locaque late omnia, his prædonibus ceferunt: Mansfeldiani enim in ulteriorem Alfatiam, Brisgoiam & hæreditarias Auftriæ Regiones excurrerunt, & rapinis, incendiis & direptionibus cuncta devaftarunt. Ipse quoque Mansfeldius in Spirenfem Epifcopatum reverfus, Medenburgicam arcem irrito conatu tentabat, ac haud procul aberat, quin Cæfaris - Lutheram aliquot civium confpiratione interciperet: detecta tamen conjuratione ipse fpe fua delufus, recedere coactus est, proditoribus perfidiæ fuæ culpam fufpendio luentibus.

§. LIX.